

26
GEORGII VVOLFFGANGI
VVEDELII,

HÆREDITARII in Schwarza/
MEDICINÆ DOCTORIS, COMITIS PALATINI CÆSAREI,
CONSILIARII ET ARCHIATRI DVCALI SAXONICI,
THEORETICES PROFESSORIS ORDINARII,

FACVLTATIS MEDICÆ
h. t. DECANI

PROPEMPTICVM INAVGVRALE

DE

RAMO AVREO VIRGILII II.



I E N Æ, Literis CHRISTOPHORI KREBSII.



FT Veteres dudum distinguebant probe inter fabulosa & sine velo proposita. Οὐ μῦθος τὰ τετραῖα, ἀλλ' ἔργα. *Non fabulae sunt res ad Troiam gestae, sed facta,* inquit *Thessalus, Coi filius epist. Hipp. 27.* Vicissim ergo, quæ mythologica sunt asserta, non proprie intelligenda. Exempli loco sit **R**AMVS AVREVS **V**IRGILII, & **P**latoni in *Timeo*, sub adamantis nomine, laudatus.

Sed ne quid dubii restet, optimum est, vt semper alias, genuinum sensum ex συναφείᾳ textus eruere ac colligere. Optimus interpretres verborum quisque suorum. Ipse vero *Plato* disertis verbis velut commentarium addit tacite, & velut in aurem dictat; ἔδὲν, inquit verbis sequentibus, τοιῶτων ποικίλον ὅτι ἀλαλογίᾳ τὴν τῶν εἰκότων μύθων μεταδιώκοντα ἰδέαν, nihil horum difficile est cognoscere ac intelligere, qui consuetam ideam fabularum persequitur.

Mythologice ergo, ænigmatice ac emblematicæ, auri ramum hunc intelligi vult, ac innuit. Nil aliud hinc fuerit illud densissimum, ac nigricans, quod addit, quam aditu difficile, quam arduum, quam obscurum, re ipsa cum *Poeta* idem asserendo.

Adamas hinc non tam gemma fuerit intelligenda, vnde durities adamantina in prouerbum abiit, quod alias gemmas quoad hoc etiam superet, illasque scindat potius, quam scindatur ab iisdem: quam quod notat ipsa verbi originatione. Est enim adamas idem quod indomitus; nihil vero indomitum reuera est, quod destruitur ab igne, cuius imperium & destructionem aureum hunc ramum eludere manifesto sic infert. Quibus probe pensitatis, fallor? an omnia facilius clarere possunt, tum apud Philosophum, tum, ad quem reuertimur, Poetarum Principem; quo cum apprime & intime conuenit, vt velut digito hic locus Platonice intendatur, nec ouum ouo tam sit simile, quam vterque collatus.

Manifesta est confessio ipsius scriptoris, si enim mythologice est intelligendus locus, quod mirum est interpretem detorsisse, non assecutum mentem diuini *Platonis*, non adamas erit reputandus ramus aureus adeo decantatus, sed aliud quid.

Cum ergo hunc eundem ramum *Virgilius* intelligere & respicere videatur, vix hæc arcana penetrare possumus, quam adscitis in subsidium & consultis Philosophis mysticis laudatis, Chemicis puta, qui, fatente *Espagnet o arcan. hermet. §. 15. p. 9*, in nul-

Ita tam acriter contendunt, quam in celando ramo ipsorum aureo, seu mercurio Philosophorum.

Triplici potissimum lemmate mentem suam elocuti sunt iidem, ad Lapidis sui seu tincturæ auri illustrationem. Primum est terræ aptæ & seminum, inquirendam esse terram virginēam, cui concreditum semen auri foeturam concipere queat. Non enim omnis fert omnia tellus.

Alterum est maris & foeminæ, quod *Hermetis* descriptio ipsa innuit in *Tabula smaragdina*, pater eius, inquentis, est sol, mater est luna, philosophica nimirum, quæ concipiat, facta debita coniunctione, seu coniugio, nouum hunc expetitum foetum: quod coincidit cum recepto Chemicorum, hinc & aliorum, canone, fieri & componi quoque hinc metalla ex sulphure & mercurio, illo maris, hoc foemellæ partes sustinente, non excluso sale vtrisque obstetricante.

Tertium est ab insitione petatum, idque longe elegantissimum, quando ramus arboris eligitur, cui germen seu tradux nobilior inseritur, vt prior illa syluestris & minoris vsus sic foecundetur nouo hospite, vt desideratos fructus eosq; plurimos ferat ac largiatur. Et hoc inuenimus nostro hoc loco & scopo longe accommodatissimum. Et sæpe alterius ramos impune videmus vertere in alterius, l. 2. *Georg. p. m. 50. v. 7.*

Quartum enim, vt hoc obiter addamus, a tinctura petatum, si quidem a corpore auri omnino separata alibi inferri debeat, minus est hoc sensu ad palatum Philosophorum, quamuis altero illo genuino ipsius tincturæ diffusio huc merito applicetur, & omnem absoluat paginam.

Videamus hinc rami huius aurei originem: quorsum multum conferet, si ex *Theophrasto l. 1. Hist. Plant. c. 2. n. 3.* huc referamus partes primas, maximas & communes plantarum, quæ sunt quatuor: ῥίζα, καυλός, ἀκρόμων, κλάδος, radix, caulis, ramus, surculus. Hic vero duæ saltim supponuntur, radix & caulis, duæ in censum veniunt, ramus & surculus. Ramus hic est arboris opacæ, isque aureus & diues; omnis nempe ramus supponit arborem, omnis arbor radicem & caulem. Ἀκρέμονας ἧς δὲ ἀπὸ τῶν χωριζομένων ἐνίοι καλεῶσιν ὄζος, ramos, qui a caule fissi multiplices sparguntur, nonnulli nodos appellant.

Metaphorice vero per arborem intelligit metallum, quod in
): (2 suo

fuo genere & specie in subterraneo regno vegetatur & produci-
tur. Notat vero ὄζος seorsim etiam ocellum in ramo, quorum
quidam sunt cœci, etiam Græca cum Germanis communi nun-
cupatione, seu steriles, quidam fertiles, qui florem & fructum con-
dunt & spondent, tepore solis euocandum expandendumque.

Locus assignatur Iucus, nemus magnum & loca montosa,
obscuræ conuallium umbræ. Hæc vero patria est, seu natale so-
lum, vbi mineræ, & aliæ effodiuntur opes irritamenta malorum,
loca plana montibus & nemoribus obsita, metallorum feracia, vt
statim præsto sint, singulari diuini numinis prouidentia, ligna &
carbones ad vrenda, fundenda, depuranda, probanda & apparan-
da sic metalla necessaria.

Nec modus reticetur notabilis inueniendi arborem ramo
hoc diuite constantem, per geminas columbas. Columbas Dianæ
feu lunæ philosophicæ vocant alii. Alii curatius Dianæ insignia
& Veneris columbas, quam ipsam hic expresse nominat, dum ma-
ternas, id est, Veneris aues dicit.

Hic vero notandum est, antiquissima illa esse signa Planeta-
rum. Est nobis nummus Claudii Imp. isque genuinus, si quis a-
lius, vbi signum ξii tam eleganter expressum & excusum est, vt
vel hodierno die non posset melius exprimi vel pingi. Hæc ipsa
dum diximus, memorauimus vna geminas columbas, ductrices
ad arcanum auri ramum.

Geminæ hæ columbæ gemina super arbore sidunt, egregia
allegoriæ continuatione. Enimvero ad omnem insitionem, ἐγ-
κέντησιν vel inoculationem requiruntur duæ arbores, vna quæ
ramum porrigit, refecandum, vt recipiat stolonem, oculum, seu
germen aliud arboris magis fructiferæ, & suum faciat, quæ passiuè
se habet; altera quæ in nouam possessionem venit, traducitur, &
sic noua brachia, ramosq; parturit, ille ἀνέµων vel ὄζος, hic κλάδος
proprie audit, quamuis ὄζος reuera vtrumque notet.

Præcipuum inter hæc est multiplicatio, quando quidem auri
aura, & species auri frondentis subinde multiplicatur, & primo a-
uulso non deficit alter aureus, & simili frondescit virga metallo.

Et sane esse hanc Poeta mentem, vt indigitet allegoriam lau-
datam insitionis, aliud superaddit exemplum visci crescentis in
arbore, quercu v.g. vel ilice, quod non sua seminat arbor. Occurrit ve-
ro sic dubio in applicatione consurgenti. Alia res est in arbori-
bus,

bus, alia longe, dixerit aliquis, in metallis, differt metallum a metallo, non ita pyrus a pyro, malus a malo, & sic porro.

Respondet, reperiri etiam plane a symbolicum germen, idque discolor, specie ipsa differens, & tamen in arbore molliem suam stabiliens, ut adeo & analogia insitionis, & plane alienæ visæ visci generationis optime huc quadret.

Si velimus fateri quod res est, longe optima hæc est significatio ænigmatis, conformis Platoni, congrua scriptis Philosophorum non minus ac experimentis, adeoque ipsi cum primis rei. Esse metallum, quod e particulis densioribus durissimum, saltem respectu, & nigricantibus quoque coalitum est, a qua nigredine intrinseca, & facile expandenda ut ad oculum pateat, antimonium audit, & apparatus decenter agrum sationis aurificæ, vterum concipere aptum, vel ramum traducem saltem constituere.

Ast, ne quis putet, sic prædi rem totam, prostitui arcana, & vilesceat artem, per tot secula clam habitam, visendæ sunt quoque conditiones ab ipso met interprete Sibyllini oraculi propositæ, eæque geminæ. Christianum in morem facile applicandæ. Vna in precibus consistit, altera in numinis gratia. *Æneas, inquit, aspexitans sylvam immensam, mineralium, metallorum & germinum subterraneorum, sic ore precatur: Si nunc se nobis ille aureus arbore ramus ostendat nemore in tanto!*

Hinc ipsa oraculi verba idem innuunt: *Si Te fata vocant, aliter non viribus ullis vincere, nec duro poteris conuellere ferro; nec opus nec laborem hunc subire posse, nisi paucos, quos æquus amavit Iupiter.*

Ut vero sint, qui non intellexisse *Virgilium*, quæ cecinerit, statuant, nihil tamen hoc moratur rei veritatem. Quemadmodum enim nil vetat, ridentem dicere verum: ita nec ignorantem. Seu quod eodem potius recidit, minimum concedendum fuerit, non confinxisse hæc vatem ex ingenio, sed vel ab aliis acceptum, assertum & descriptum suum fecisse, carminibus expressum, vel cognitionem experimentis firmatam obtinuisse. Sufficit quadrare hæc omnia assertis Philosophorum.

Omittimus dicere de diuitiis *Virgilii*. Enimvero ut superavit omnes reliquos ingenio; ita non minus opibus, siue munificentia *Augusti Imperatoris*, siue aliunde illas acquisiuerit, cum moriens centies *Sestertium* reliquerit, hoc est, ducenta quinquaginta aureorum millia, quo de legi meretur *Taubmannus in Culice*

Sed operæ pretium est, audire etiam alios, de hoc loco & de re ipsa philosophantes. Sane, ut plerisque, qui oppugnare artem & refutare satagunt, contigisse videas, ut dum contemnere & ad orcum detrudere allaborant, hoc ipsum tamen dum agunt, velut conuicti afferant, quod destruunt; ita & idem exemplo suo confirmat *Baco de Verulamio*.

Hic enim cum *l. de sapientia Veterum c. 29. p. m. 1288.* scripisset, per Proserpinam antiquos significasse spiritum illum æthereum, qui sub terra, (per Plutonem repræsentata) clauditur, & detinetur a superiore globo diuulsus, paulo post ita inquit: De virga autem illa aurea, vix videmur sustinere posse impetum Chymistarum, si in nos hac ex parte irruant, cum illi ab eodem lapide suo, & auri montes, & restitutionem ac conseruationem corporum naturalium veluti a Portis inferorum promittant.

Posterius vero ut suum facit, & de hoc loco Poetæ asserit idem innui, ita de priori, de chimia & lapidis illius procis addit: Certo scimus, Theoricam eorum esse sine fundamento, suspicamur etiam, Practicam esse sine certo pignore.

Non possumus, quin ipsum committamus cum se ipso virum summum, quandoquidem alibi, *Cent. 4. Sylv. Sylvar. f. 822. f.* cum curiose admodum & sapienter experimentum spectans confectionem auri proposuisset, spem illam vanam non esse, nec humanæ facultatis angustias excedere statuit, & axiomatibus de eo aliquot eximiis positis addit: Principia hæc certissima & verissima sunt, pluribus ibidem legendus. Quod vero ex Δ , ξ & Θ fabricam illam struit, vix concedent Philosophorum filii, cum nec materia, nec pondus, nec alia videantur respondere.

Utque ipsa quoque leuiori brachio fundamenta artis delibemus, non tam illa quærenda sunt in eo, quod natura intendat omnium metallorum in aurum conuersionem, ut nec omnium animalium in hominem, omnium plantarum vel arborum in vitem, nec alia æque vana, sed sublimiora longe alia, v.g. omnia metalla constare ex mercurio diuersimode coagulato, diuersis gradibus, puritate, fixitate, maturatione sulphuris; esse suum & metallis semen & fermentum, eaq; magis materialia; volatile fixum, fixum volatile reddi posse, immaturum maturari; ὁμοιον ὁμοίῳ αἰεὶ πελάζειν, simile simili gaudere, Platoni & aliis passim Chymicis Græcis decantatum, & plura alia huius commatis.

Neque opus est iam disquirere, an adamantis loco andradamas intelligendus veniat, quo nomine arsenicum vocare Democriticos Chimistas scribit *Hermolaus Barbarus*.

Sufficit, nullam aliam hypothesein hac ipsa melius aureo huic ramo applicari posse, quam ut arbori sylvestri, indigesto, immaturoque respectue succo præditæ, insertus ramus adolescit, & vegetatur, unde ipsi accedit quasi maturitas, ut videatur & habeatur genuina parens, radice immatura & sua natura id non datura: ita immaturo metallico corpori, certa proportionem & artificio, naturæ conformi, maturum & fixum, seminali fermento apparato, accedente ignis ministerio, posse foenerari suam tincturam, characterem & fixitatem. Q. E. D.

Hæc præfari volumus occasione DISPUTATIONIS IN AV-
GVRALIS DE LOCHIORVM FLVXV NIMIO, Clarissimi &
pereximii Medicæ artis Candidati,

WILHELMI CHRISTOPHORI PAVLI PEZII,

MARCOBRETTANI.

Natus is est Marcobrettæ Francorum, anno æræ Christianæ
MDC LXXIV. educatus vero Neustadii ad Ayscham, Parente No-
bilissimo, Amplissimo & Excellentissimo, GEORGIO SIGISMUN-
DO PEZ, Medicinæ Doctore, & Archiatro Serenissimi Principis
ac Domini, Marchionis Brandenburgensis, in aula Biruthina ce-
leberrimo; Matre CLARA, nata PÜLERINA.

Hi omnem adhibuere curam, ut in pietate, bonis moribus &
literis instrueretur, quod matre immaturis fati functa optimus pa-
rens prosecutus est imprimis.

A teneris ita formatus intra patrios primum lares, hinc Gym-
nasio illustri, quod est Heilsbrunnæ, commissus per octennium,
præceptoribus fidelissimis & præclarissimis usus est, IOHANNE GE-
MEINHARDO, hinc M. IOHANNE STÜBNERO, Rectore, & IO-
HANNE NICOLAO SCHULINO, Con-Rectore, longe meritissi-
mis, quorum sedulitate & dexteritate non solum fundamentis Chri-
stianæ religionis, sed etiam bonarum artium, Latinæ & Græcæ
linguæ, disciplinarumque Philosophicarum imbutus fuit.

Hinc, iussu venerandi Parentis, in Academiam inclutam Al-
torffinam concessit, Ann. MDC XCV. ubi cordi habuit, ut in Phi-
losophicis iuxta ac Medicis scholis profectus sibi foeneraret, sub ma-
nuductione Excellentissimorum & celeberrimorum Professorum, in
ora-

oratoriis MAGNO DANIELE OMEISIO, in physica theoretica & experimentalis IOHANNES CHRISTOPHORO STURMIO, in medicis vero omnium & singulorum Doctorum.

Seorsim veneratus D. MAURITIUM HOFFMANNUM, Patrem, patris memoriae, & D. IOHANNEM MAURITIUM HOFFMANNUM, filium, illius sub auspiciis frequentavit praelectiones Institutionum Medicarum & Botanicas, nec non Practicas de morbis mulierum & Exercitium Disputatorium, eiusdemque sub praesidio Disputationem publice ventilavit de SPIRITVVM ANIMALIVM ELABORATIONE; Huius sub ductu Physiologicas, Anatomicas & Chemicas ἀνοδοὺς celebrauit: In Pathologicis vero sectatus est D. IOHANNEM PANCRATIUM BRVNONEM.

His intra biennium absolutis, ad nostram Salanam MDCXCVII. Calendis Augusti ablegatus, Nobilissimorum & celeberrimorum Medicorum informationem impetrauit, publicam & priuatam.

Praecipue depraedicat Lectiones D. IOHANNIS HADRIANI SCHLEVOGII, Haereditarii in Ober-Rosla, Anatom. Chirurg. & Botan. Professoris, & Medici Prouincialis, in botanicis, aliisque, & praefectiones cadaverum dexterimas, quibus assiduus comes adstitit: ut & Lectiones priuatas D. RVDOLFFI WILHELMI CRAVSII, Haereditarii in Mellingen, Prax. & Chim. Professoris, Facultatis Medicæ Senioris venerandi. Nostris quoque praefectionibus priuatis de morbis externis interfuit.

His studiis probe innutrito obtigit benignus fauor Numinis, ut ad Physicatum Schwarzenbergensem gratiose vocaretur. Hunc ut debito caractere non minus, ac meritis ornaret, iussus a Nobilissimo parente capeffere supremos in Medicina honores, adiit Gratosam Facultatem, & probatis in consuetis Examinibus profectibus ad Cathedram publicam admissus, habebit A. D. IV. Ianuar. laudatam, sub praesidio SCHLEVOGTIANO, Disputationem solennem.

Huic panegyri ut Magnus Academiae Rector, illustrissimi Comites, Proceres & Hospites omnium ordinum nobilissimi, gratiosa, grauissima ac beneuola sua praesentia interesse dignentur, deuote, perofficiose & peramanter oro atque rogo. P. P. Sub sigillo Facultatis. M DCC. Cal. Ianuar.

(L. S.)